



HOUNDARUN IRAHÜÑÜ HABU NIBUREITIÑU
GARINAGU LIDAN IRUMU 2024
“LIHATI ALAGAN AFIRIKANU”

DIMÂSU #2

INEBEWATIWA WOUNGUA
TIDAN LAGEI FURENDEI

LEBUINA: Hawiwaduni irahüñü habu nibureitiñu inébesei
tidan lagei furendei keisi aban anichigu.



DIMÂSU #2



TUN O LUN ARAUDAHATI

Lidan libiama dimâsu le waraudahaba buidu lan awiwaduni dan le anirei lan inébehabu hadan gürigia, hafu wáfâgu lun haraudun inebeni hamagua, tidan lagei furendei hama hapanâgu, araudahatiñu, agübürigu achülürütiña abeluha, habu sun gürigia, irahuñu háladigu habu derebuguhaña.

Richati lun hawiwanduni inébehabu dan le hafurendeha somu ísugei hama hapanâgu, hafu halúguni lau fulesiei lidan hachararun mosu halugu ferudun, lidan ladugüniwa fulesei haun, mosu hariñagu seremei.

Gawarati hadügün irahüñü úwara luma araudahati aba gárada weiritu lauburi katei ganichigüti le lubei hadügüni lun ñein lan inébesei haganagua, abame háfadaruni tidan lagei furendei.

Lun buidu lan awiwaduni hafu inébeguawama- waungua lidan sun katei, dan le hayanuha gurigia, mosu wagänbuniñu lun gufarandaguawamá-woungua keisi lirahüñü Babá.



INEBESEI; BARÜTI FERUNDUN


ÚRAGA

LEWEGERUN HEREMURU

Aba tabaüdaha nagütü nun, luagu nege buga aban dan; aba nége haundarun sun lewegerun heremuru lidan aban abínahani; larigiñebei habúsuragun haungua; aba habaüdagu luagu luwende hariyawagu seiri, hariñaga;

-wendetiwa súngebei, rutiwa igundani, labu eménigini, dan le warihin ayúmurawa-hamutiwa sun gürigia, aba rügüñein wadangie agadeirun heremuru, ewegeruni le giribei Báligi, wuribati, maseriwiti lun ni kata, ani gadeilumuti wariyawagu, mosu hamuga lagidarun, luei lasigirun agadeirei wawende tidan heremuru.

Agânbagu ligiati buga figiabu Baligi haun lupanâgu, ladüga ñein ñein lan damuríguañu hama; aban hariyaguni lau mabáhüdüni, aban lubeiti lirudun Báligi, aban laramudagu ayahuaha labugüarügü; ariha tumuti lechusa, álügüdeinateí ka lan lébunabei líru, lariñaga Báligi; hírutina ladüga maseriwitina ubouwagu, uwati abuserutina luagu nuriba, buidutimati-nege lun uwaná ubouwagu haña nupanâgu.





tariñaga umadaü to lun iyêni lira, keimaun hárigi, dan le hachülürün, tariñaga umadaü to houn.

-¿Ka san lébunabei hauseruni hupâna ítara?

-¿ka san ewegeruni harihubei seiri lidan láhuya lan huya?

Aba háunabun sungubei; Báligi.

Abaya tálügüdaha;

-¿Lun hámugati uwa lan Báligi?

-¿Hagei inébehabu hadan?

Aba lubeiti hanügü busiganu luagu le hadügübei, aban hauburuni Báligi áluga hagia ferudun luma.

Larigiñe sun katei le suserebei aban lagundaragü Báligi, sandigua ligia lúngua buidu lidan sun ewegeruni.



Yûti lun inebe lan sun nechanu waun



Ruba iri hawagu bumadagü ha lau biyumeila.
Hénpulu.

Anurei aban numada tidan luba furende;
Pulali tiribe; inebetu nun.

1 _____

2 _____

3 _____

4 _____

5 _____

6 _____

7 _____


8 _____

9 _____

10 _____

DÂSI

- 1 Habürüha aban úraga le ñein lúmuti inébehabu tidan lagei furendei hadan irahüñü habu araudahatiña.
- 2 Pulika-hamani irahüñü úraga le, katei le buidubei lidan labu le wuribabei.
- 3 Iridahaméi sun hawegerun heremuru.
- 4 Hatirikihani úraga.
- 5 Fendi humaun sun to o le harihubei; ka liribei sun ewegeruni le aubei bafendiha?



- 1 _____
- 2 _____
- 3 _____
- 4 _____

Iseri dimurei.

- 1 Heremuru _____
- 2 Aransuauti _____
- 3 Lewegerun _____
- 4 Natuadi _____



Hostadugübabei dimurei le megeribei lidan yanu le.

Anirei _____ agüdahei _____

Gibeti _____ uhabu ligia.

Gibeti sun luyarigu ewegechuni narigĩ luagu sun
_____ le agüdahábalĩn ubou le.

Ariñagatu numaestã nun mosu lan _____

aüdũ fulaamuga sáragu _____ buiti lun
natuadi.

Dan le anirei lan _____ merëguti ñein lan
sáragu _____



ITU: SUYAPA KACHU. LIRAÜ LISIÑE KÜRISTU



**SECRETARÍA DE LAS CULTURAS,
LAS ARTES Y LOS PATRIMONIOS
DE LOS PUEBLOS DE HONDURAS**
GOBIERNO DE LA REPÚBLICA

**DIRECCIÓN GENERAL
DE LAS CULTURAS Y
LOS PATRIMONIOS**

**UNIDAD DE EDUCACIÓN
PLURILINGÜE Y MULTICULTURAL**

EDUCACIÓN
GOBIERNO DE LA REPÚBLICA